

**AUGLÝSING**  
**um stofnun fólkvangs Hvaleyrarlóns og Hvaleyrarhöfða í Hafnarfirði.**

1. gr.  
*Um friðlýsinguna.*

Umhverfissráðherra hefur ákveðið að tillögu bæjarstjórnar Hafnarfjarðarkaupstaðar og að fengnu álitum Umhverfisstofnunar og Náttúrufræðistofnunar Íslands, að friðlýsa Hvaleyrarlón og fjörur Hvaleyrarhöfða í Hafnarfirði sem fólkvang, skv. 55. gr. laga um náttúruvernd, nr. 44/1999.

Útivistar- og fræðslugildi svæðisins er hátt. Dýralíf í leiru er allauðugt og er fuglalíf sérlega auðugt á svæðinu. Aðgengi fyrir íbúa er gott og einnig eru grunnskóli og leikskóli í nágrenninu og svæðið því tilvalið til útikennslu. Svæðið hefur lengi verið vinsælt til útivistar og er ákjósanlegt til fuglaskoðunar allt árið, en oft má sjá á svæðinu sjaldséða gesti eins og t.d. gráhegra. Svæðið er 39,9 hektarar að stærð.

2. gr.  
*Markmið friðlýsingarinnar.*

Markmið með friðlýsingu Hvaleyrarlóns og fjara Hvaleyrarhöfða sem fólkvangs er að tryggja útivistar- og fræðslusvæði til útiveru og fuglaskoðunar ásamt því að vernda lífríki og leirur svæðisins sem eru m.a. mikilvægt búsvæði fugla.

3. gr.  
*Mörk fólkvangsins.*

Mörk fólkvangsins afmarkast af eftirfarandi ISN-93 hnitapunktum og eru sýnd á meðfylgjandi upprætti:

Punktur	X	Y	Punktur	X	Y	Punktur	X	Y
1	353707	399014	8	353637	398925	15	354709	399025
2	353804	398915	9	353571	398926	16	354702	398826
3	353785	398757	10	353472	399211	17	354513	398731
4	353709	398530	11	353532	399474	18	354415	398705
5	353513	398236	12	353731	399500	19	354316	398755
6	353440	398287	13	354044	399243	20*	354293	398734
7	353636	398699	14	354478	399120			

\* Frá punkti nr. 20 yfir í punkt nr. 1 er fylgt sjóvarnargörðum (sjávarmegin) og göngustíg.

## 4. gr.

*Umsjón með fólkvanginum.*

Umsjón og rekstur fólkvangsins skal vera í höndum umhverfisnefndar Hafnarfjarðarkaupstaðar, samkvæmt samningi Umhverfisstofnunar og Hafnarfjarðarkaupstaðar sem umhverfisráðherra staðfestir. Umhverfisstofnun skal sjá um gerð verndaráætlunar fyrir fólkvanginn í samráði við Hafnarfjarðarkaupstað, sbr. d-lið 6. gr. laga um náttúruvernd, nr. 44/1999.

## 5. gr.

*Umferð um fólkvanginn.*

Almenningi er heimil för um fólkvanginn, enda sé gætt góðrar umgengni. Í samræmi við samþykkt um hundahald er óheimilt að hafa hunda í fólkvanginum án fylgdar og tryggrar stjórnar.

Umferð vélknúinna farartækja, þ.m.t. sjóþotur (jet-ski), er óheimil í friðlandinu. Þó er eigendum bátaskýla við Hvaleyrarlón heimilt að sigla að skýlunum, en þeim ber að tryggja að ekki hljóttist af mengun vegna spilliefna.

## 6. gr.

*Verndun gróðurs, dýralífs og jarðmyndana.*

Óheimilt er að spilla gróðri og trufla dýralíf á svæðinu. Óheimilt er að hrófla við eða skemma á annan hátt jarðmyndanir í fólkvanginum. Veigar á dýrum sem valda tjóni eru heimilar í fólkvanginum en þó aðeins í samræmi við lög nr. 64/1994.

## 7. gr.

*Landnotkun og mannvirkjagerð.*

Allar framkvæmdir innan fólkvangsins eru háðar leyfi Hafnarfjarðarkaupstaðar og Umhverfisstofnunar, sbr. 38. gr. laga um náttúruvernd, nr. 44/1999. Framkvæmdir skulu vera í samræmi við samþykkt skipulag og verndaráætlun. Gert er ráð fyrir viðhaldi sjóvarnargarða og göngustígs við mörk fólkvangsins frá hnitapunkti 20 að punkti 1, sbr. kort og hnitatöflu hér að framan. Gert er ráð fyrir merktum og stikuðum gönguleiðum og stígum um þurrlendi svæðisins ásamt aðstöðu til náttúruskoðunar og umhverfisfræðslu, t.d. fuglaskoðunarskýli.

## 8. gr.

*Undanþágur.*

Umhverfisráðherra getur, að fenginni umsögn Umhverfisstofnunar og umhverfisnefndar Hafnarfjarðarkaupstaðar, veitt heimild til þess að vikið verði frá reglum þessum í einstökum tilfellum gangi það ekki gegn markmiðum friðlýsingarinnar.

9. gr.  
*Refsiákvæði.*

Brot gegn friðlýsingu þessari varðar sektum eða fangelsi allt að tveimur árum, sbr. 75. og 76. gr. laga um náttúruvernd, nr. 44/1999.

10. gr.  
*Gildistaka.*

Friðlýsingin öðlast þegar gildi.

*Umhverfissráðuneytinu, 3. apríl, 2009.*  
**Kolbrún Halldórsdóttir.**

*Steinunn Fjóla Sigurðardóttir.*